

POZIV ZA PODRŠKU OTPORU GRČKOG NARODA I KOMISIJU ZA ISTINU O JAVNOM DUGU ZA PRAVO NARODA NA REVIZIJU JAVNOG DUGA

Narodima Europe i cijeloga svijeta!

Svim muškarcima i ženama koji odbijaju politike mjera štednje i svima koji nisu voljni platiti javni dug koji nas sve davi i koji je iznuđen iza naših leđa i protiv naših interesa.

Mi, potpisnici i potpisnice ovoga poziva stojimo uz grčki narod koji je svojim glasom na izborima 25. januara 2015. postao prvi narod u Europi i Sjevernoj hemisferi koji je odbio politike mjera štednje nametnute kako bi se otplatilo navodni javni dug o kojem su pregovarali oni na vrhu bez konsultiranja sa građanstvom i protiv interesa svih. Mi istovremeno smatramo kako je uspostavljanje Komisije za istinu o grčkom javnom dugu na inicijativu predsjednice Grčkog parlamenta historijski događaj, od ključne važnosti ne samo za grčki narod, nego i za narode cijele Europe i cijelog svijeta!

Uistinu, Komisija za istinu o javnom dugu grčkog parlamenta sastavljena od građana i građanki volontera iz cijeloga svijeta je model koji bi se trebao preslikati u sve druge zemlje. Najprije, zato jer je problem duga pustoš koja hara najvećim dijelom Europe i svijeta, a kao drugo zato jer milioni i milioni građana s pravom postavljaju bazična i fundamentalna pitanja o ovom dugu:

„Šta je bilo sa novcem od zajmova? Pod kakvim su uvjetima ti isti zajmovi dobijani? Koliko je kamate otplaćeno i po kojoj stopi? Koliko je glavnice otplaćeno? Kako je bilo moguće da se dug akumulira, a da se uslovi života nisu promijenili? Za šta je dug upotrijebljen? Koliko je duga otišlo negdje drugo, ko je za to odgovoran i kako je to učinjeno? Ko je uzimao te zajmove i u čije ime? Ko je dao zajmove i koje je uloga onoga ko ih je dao? Kako je država postala dio svega? Kojom odlukom? Ko je odobrio tu odluku? Kako je privatni dug postao javni? Ko je uspostavio takve planove, ko ih je gurao u ovom sjeru, i ko je profitorao od njih? Da li su tim novcem počinjeni zločini ili uvrede narodu? Zbog čega nije uspotsavljena građanska, kaznena i administrativna odgovornost?“

Sva ova pitanja će biti podvrgnuta rigoroznim analizama Komisije za istinu o javnom dugu, koja ima službeni mandat da „prikupi sve relevantne informacije vezane uz pojavu i nesrazmjerno povećanje javnog duga, i da sve podatke preispita podvrgavajući ih kriterijima znanstvene strogosti kako bi se utvrdilo koji dio duga- u periodu Memoranduma (ugovora) od maja 2010. do januara 2015., kao i prethodnih godina- može biti identificiran kao nelegitiman i nelegalan, neprihvatljiv, odiozan ili neodrživ. Komisija mora objaviti i precizne informacije koje moraju biti dostupne svim građanima, ponuditi dokaze kojima će se poduprijeti narodne deklaracije, podizati svijest među grčkim narodom, međunarodnom zajednicom i međunarodnim javnim mnijenjem, i konačno Komisija mora ponuditi argumente i zahtjeve koji pozivaju na otpisivanje duga.

Mi smatramo da je temeljno demokratsko pravo svakog građanina da zahtijeva jasne i precizne odgovore na ova pitanja. Također, smatramo kako oni sa vrha uskraćujući odgovore na ova pitanja zapravo poriču demokraciju i transparentnost, jer su upravo oni sa vrha izmislili dužnički sustav i koriste ga kako bi bogate učinili bogatijima, a siromašne siromašnjima. Još i gore: smatramo da oni sa vrha suludim održavanjem monopola na pravo da odlučuju o sudbini društva lišavaju veliku većinu stanovništva ne samo prava da donose odluke, nego ponad svega ih lišavaju prava da uzmu svoju sudbinu i sudbinu čovječanstva u svoje ruke!

Zbog toga želimo pokrenuti sljedeći hitni poziv svim građanima, socijalnim pokretima, ekološkim i feminističkim mrežama i pokretima, sindikatima i policijskim organizacijama da odbiju ovu sve manje demokratsku i humanu, neoliberalnu Europu: pokažite svoju solidarnost sa Grčkim otporom podržavajući svojim djelom grčku Komisiju za istinu o javnom dugu i njen rad kako bi se identificirao onaj dio grčkog javnog duga koji je nelegalan, nelegitiman, neprihvatljiv (odiozan) i/ili neodrživ.

Branimo Komisiju od divljačkih napada kojima je izložena od svih onih snaga u Grčkoj i ostatku svijeta čiji je direktni interes da se istina o dužničkom sustavu sakrije od očiju javnosti.

Aktivno sudjelujte u građanskim revizijama duga koje se razvijaju po Europi i svuda.

Iskažite i podijelite svoju podršku i solidarnost na svojim društvenim mrežama, budući da je ova podrška i međunardona solidarnost jedini

način kojim se mogu osujetiti planovi onih koji vladaju da uguše Grčku i ljude koji se bore protiv našeg zajedničkog neprijatelja: politika mjera štednje i duga koji na sve davi!

Suočavamo se saiskusnim, ujedinjenim i dobro koordiniranim protivnikom, naoružanim izuzetnim moćima i apsolutno odlučnim da slijedi svoju ofenzivu protiv svakoga od nas sve do gorkoga kraja: nas koji činimo dio velike većine stanovništva naših društava.

Ne možemo si dopustiti luksuz da se borimo odvojeno, svako u svome kutu. Ujedinimo stoga snage u široki pokret solidarnosti sa otporom Grčke i podržimo Komisiju za istinu o javnom dugu pri grčkom parlamentu. Podržimo je umnožavajući i praveći iste takve komisije za reviziju javnoga duga gdje god je to moguće. Jer borba grčkoga naroda je naša borba i njihova će pobjeda biti i naša pobjeda! Naše jedinstvo je naša snaga.

Zajedno do pobjede, podijeljeni smo poraženi!

Click here GreekDebtTruthCommission.org to sign this Appeal